



Herri Batasunak osoko zuzenketa egin die Nafarroako aurrekontuei / 8



Borrellek eta EAEko erakundeek Bilbo berritzeko akordioa izenpetu dute / 10



PP legez kanpo finantzatzen ari dela salatu du Alfonso Guerrak / 15

EUSKALDUNON

Egunkaria

Osteguna, 1993ko maiatzak 20 / IV. urtea / 760. zenbakia / Salneurria: 90 pta. / 5 libera

KULTURA

Antzerki Gaztea Galarrotsekin bat

Galarrotsak eta Faut qu'ça Scene antzerki jaialdiek bat egin dute Lohizunen: gaur amaituko da Galarrotsak eta igandean Antzerki Gaztearen jaialdia. / 23

MOGENS FLINDT / AP



Itxaropena European, istiluak Danimarkan

Danimarkako erreferendumean Maastrichteko Itunaren aldeko jarrera nagusitzeak arnasa eman dio Europako Batasunari, eta orain, Erresuma Batura begira jarri dira Brusselako agintariak. Bertako Legebiltzarrek gaur bertan ekingo dio Itunaren behin-betiko irakurketari. 'Euroeszeptikoek' «gera itzela» iragarri dute, baina Majorrek garaipena espero du. Danimarkan, erreferendumaren emaitzak ezagutu eta berehala iskanbilak gertatu ziren Kopenhagen. Argazkian pistola eskuan ageri diren polizia zortzi gazte zauritu zituzten balaz, eta 25 polizia zauritu zituzten, berriz, manifestariak jaurtitako harriek. / 17-18

PSE-EEk dioenez legez bideraezina da Banku Publikoaren egitasmoa

Eusko Jaurlaritzak EAJren sostenguz onartutako Euskadiko Banku Publikorako lege egitasmoa gaur egungo legearen arabera bideraezina dela adierazi zuen PSE-EEk atzo, Jose Luis Marcos Merino eta Jon Larrinaga burukideen ahotik. Kutxa koefizienteak lege ezin direla deszentralizatu baieztu zuten, eta Europako Komunitateko banku legediak ere horrelakorik ez duela onartzen. Jaurlaritzak eta diputazioek hitzartutako eragingarri fiskalak ere gaitzetsi egin zituzten.

PSE-EE euskal banku publikoa eratzearen alde dagoela nabarmendu zuen Marcos Merinok. Bere hitzetan, ordea, «ditugun ahalmenetan oinarrituta», kutxa koefizienteak bereganatu gabe alegia, eratu beharko litzateke. Lege proiektua Legebiltzarrean aurkeztuko denean aurka bozka-

tuko dutela iragarri zuten bozeramaile sozialistek. Larrinagak esan zuenez, «aurrera egingo duen proiektua» sozialistena izango da, «bestea ez baita posible».

Carlos Soltxaga Espainiako Ekonomia ministroa, Juan Manuel Egiagarai Administrazio Publikoetarako ministroa eta Alfonso Guerra PSOEko idazkariorde nagusia ere jeltzaleen egitasmoaren aurka mintzatu ziren.

Jose Antonio Ardanza Jaurlaritzako lehendakariak, aldiz, Banku Publikoaren inguruan bi gobernuakideak ados jartzea posible dela adierazi zuen, eta garrantzia kendu zion sozialistek herenegun proiektuaren aurka bozkatu izanari.

PP eta UAk lege proiektuaren aurka bozkatuko dutela iragarri zuten. / 13

✓ Kutxa koefizienteak deszentralizatzea Espainiako eta EKOko legedien aurkakoa dela dio.

Etxarri-Aranatzen greba egin zuten Mariñelarenaren heriotzagatik

Etxarri-Aranatz (Nafarroa) ia erabat gelditu zen atzo Pello Mariñelarena presoaren heriotza salatzeko. Herriko denda, ikastetxe eta taberna guztiek ateak itxi zituzten Udalak egindako greba deialdiari jarraiki, eta lan-tegi gehienek ere gauza bera egin zuten. Mariñelarena zenaren gorpuari atzo egin zioten autopsia. / 5

Gaueko hamabietan hasiko da hauteskunde kanpaina ofiziala

Lehendik abian dagoen hauteskunde kanpainari gaur gauerdian emango zaio ofizialtasuna Hego Euskal Herrian nahiz Espainian. Euskal alderdiek Hegoaldeko lau hiriburuetan egingo dituzte kanpaina ofizialeko estreineko ekitaldiak.

EAJk Gasteiz Erdialde batzokian egingo du ekitaldi nagusia: Arabako hautagaiekin batera, Ardanza izango da bertan.

EAEko sozialistek Bilboko Doña Casilda parkea aukeratu dute kanpainari ekiteko, eta bertan izango dira Jose Maria Bene-

gas, Nicolas Redondo eta Ramon Rubial hautagaiak. Nafarroan, Carlos Soltxaga agertuko da Sarasate pasalekuko egoitzan.

HBko hautagaiak Iruñeko kartzelaraino hurbilduko dira, Xabier Aiestaran eta Esther Lakasta hautagai presoek elkartasuna adierazteko.

EA-EUEko hautagaiek Donostiako Maria Cristina hotelean afalduko dute, gauerdian lehenengo txartelak jartzeko.

Gipuzkoako PPK, berriz, Jose Maria Aznarren laguntza izango du Donostian. / 4

«Itsaso beteko jaia» agindu dute Ibilaldia-93ko antolatzaileek

Datorren igandean Ondarroan (Bizkaia) ospatuko den Ibilaldia-93 «itsaso beteko jaia» izango dela agindu zuten Bizkaiko ikastolen festaren antolatzaileek atzo Donostian. Lea-Artibai bailarako lau ikastolek antolatutako egunean, eskualde horrek «eskaini dezakeena» erakutsi nahi diote Euskal Herri osoari. / 9

BESTERIK

G I Z A R T E A

Iparraldeko AEK-k ezagutza ofiziala eskatu du / 11

E K O N O M I A

Landabengo Seatek bostehun langile erregulazioan jarriko ditu ekainean / 14

N A Z I O A R T E A

Su etenerako hitzarmena lortu dute kroaziarrek eta musulmanek / 19

BORRELLEK ETA EAEKO ERAKUNDEEK BILBO BERRITZEKO AKORDIOA IZENPETU DUTE / 10